

影印
文淵閣

四庫全書

影印

文淵閣四庫全書

第一二〇四冊

北京出版集團公司
北京出版社

本冊目次

此山詩集
霞外詩集
申齋集
西巖集
蒲室集

元	元	元	元	元
周權撰	陳旅選	馬臻撰	劉岳申撰	張之翰撰
……	……	……	……	……
一	五五	一七一	三六一	五二五

欽定四庫全書

集部

此山詩集卷一至五

詳校官中書臣李彤

侍讀臣孫球覆勘

總校官編修臣王燕緒

校對官檢討臣李學錦

膳錄監生臣郭鴻

欽定四庫全書

集部五

此山詩集

別集類四元

提要

臣等謹案此山詩集十卷元周權撰權字衡之

號此山處州人嘗游京師以詩贄翰林學士

袁桷桷深重之薦為館職竟報罷然詩名日

起唱和日多集中有贈趙孟頫詩云辦香未

展師道敬攜琴暫出松蘿中贈虞集詩云遠

欽定四庫全書

此山詩集
提要

遊非涉聲利途願謁國丈開榛蕪贈揭傒斯

詩云嗟予觀光老賓客辦香仰止懷生平贈

陳旅詩云下榻清風延孺子高樓豪氣卧元

龍贈歐陽元詩云牀頭萍綠多矜色長價還

從薛卞門贈馬祖常詩云絕憐白髮南州士

山斗彌高獨仰韓而趙孟頫贈權詩亦有青

青雲外山炯炯松下石顧此山中人風神照

松色之句且親寫此山二字為額以贈是時

文章者宿不過此數人而數人無不酬答似
權亦聲氣干謁之流然孟頫等並以儒雅風
流照映一世其宏獎後進迥異於南宋末葉
分朋標榜之私故終元之世士大夫無鉤黨
之禍權與諸人款契蓋文字之相知固未可
以依門傍戶論也是集為陳旅所選定旅及
袁桷歐陽元等各為之序揭傒斯又為之跋
旅本作者故別擇特精旅序稱其簡淡和平

欽定四庫全書

此山詩集
提要

無鬱憤放傲之色桷序稱其法蘇黃之準繩
達騷選之旨趣元序稱其無險勁之詞而有
深長之味無輕靡之習而有春容之風今觀
其詩元所稱尤為知言矣乾隆四十六年十
月恭校上

總纂官_臣紀昀_臣陸錫熊_臣孫士毅

總校官_臣陸費墀

此山詩集原序

詩有經緯焉詩之正也有正變焉後人傳益之說也傷
時之失溢於諷刺者果皆變乎樂府基於漢實本於詩
考其言皆非愉悅之語若是則均謂之變矣建安黃初
之作婉而平羈而不怨擬詩之正可乎濫觴於唐以文
為詩韓吏部始然而春容激昂於其近體猶規規然守
繩墨詩之法猶在也宋世諸儒一切直致謂理即詩也
取乎平近者為貴禪人偈語似之矣擬諸採詩之官誠

欽定四庫全書

此山詩集
原序

不若是後蘇黃傑出遂悉取歷代言詩者之法而更變
焉音節凌厲闡幽揭明智析於秋毫數彈於微眇詩益
盡矣止矣莫能以加矣故今世作詩者咸宗之括蒼周
君衡之磊落湖海士也束書來京師以是編見贊意度
簡遠議論雄深法蘊黃之準繩達騷選之旨趣歷覽名
勝長歌壯吟亦皆寫其平生胸中之耿鬱至於詞筆尤
為雅健讀之疊疊忘味誠有起予者乃知山川英秀之
氣何地無奇才感歎之餘因書此以贅其卷首延祐六

年閏八月庚申前史官會稽袁掬序

欽定四庫全書

此山詩集
原序

二

風雅頌不作詩之變屢矣大抵與世相為低昂其變易推也近世為詩者言愈工而味愈薄聲愈號而調愈下日煨月煉曾不若昔時間巷美刺之言世德之衰一至於此哉我國家以淳龐雅大之風不變海內為治日久山川草木之間五色成文八風不姦士生斯時無事乎文章而其言自美況以文章而歌詠雍熙之和者乎此山周先生自枯蒼來京師訪余靈椿寓舍與語竟日知能為詩因索其所作觀之何其言之藹如也夫志得意滿者其詞驕以淫窮而無所寓者其詞鬱以憤高蹈而長往者其詞放以傲先生懷材抱藝蚤有意於用世既而託跡丘園不見徵用且老矣今考其詩簡淡和平無鬱憤放傲之色非有德者能如是乎傳曰溫柔敦厚詩教也先生可謂有溫柔敦厚之德矣余官橋門七年凡四方文字當程校者莫不與寓目焉嘗疑山林間必猶有可觀者未之見也此詩蓋山林之礪礪而余所未見者乎故閱之不能去手因為選其最佳者得若干首題

欽定四庫全書

此山詩集
序

三

為此山先生集云登仕郎浙江等處儒學副提舉陳旅序

此山詩不但簡淡和平而語多奇雋余為校選故能深知之也比翰林袁學士以其才堪充館職力薦諸朝吾恐此山不能遂肥遯之樂也旅又序

枯蒼周君此山初以四明袁文靖公薦選預館職君雅志冲抱垂成而歸乃得肆力於辭章所為樂府歌行大篇小章古律近製衆體畢具往往多可誦之句頃國子生葉敬常攜其編詣余評之余愛其無險勁之辭而有深長之味無輕靡之習而有春容之風因謂敬常曰周君其溫然有德之士乎他日君乘小車來過余體充而氣龐神腴而言揚此其蓄於內者厚發於外者閎若合符輒或曰能詩者不必有德有德者不必能詩君於周

君何以因言而知人若著蔡耶余曰不然古之人聞樂以知政詩與樂同出一初皆感於性情而動於聲音者也因詩以知人蓋文士之通技也抑余不獨因是以知周君之生平且有以觀世尚矣宋金之李詩之高者不必論其衆人之作宋之習近骯髒金之習尚號呼南北混一之初猶或守其故習今則皆自刮磨而不為矣世道其日趨於盛矣乎雖然昔者子貢問子石何不學詩曰父母求我孝兄弟求我悌朋友求我信何暇哉子貢

曰捐吾詩學子詩矣若周君則有是三者而從事於詩者也其孰能過之因志余之說於是元統二年八月初吉翰林直學士中憲大夫知制誥同修國史廬陵歐陽玄序

僕既序復見詩集留莆田陳君處陳為之精選又倍神米馬僕因致點校之助於其間云歐陽玄識

欽定四庫全書

此山詩集卷一

元周權撰

五言古詩

擬古

洪鈞播無垠八埏蕩和風枯蒿同華滋陳荻變纖茸高門與窮巷嫵媚白與紅陽和不擇地化育自至公惟人物之靈此理均降衷大猷日凋喪町畦生室中貴賤移

欽定四庫全書

此山詩集

親疎貧富乘始終誰能返其初物我俱玄同

東溟躍羲和西海騁望舒迭運不遑息汲汲司晨晡人生百年間有如涉長途途長日苦短何以寧其軀白露沾我衣衆芳忽萎枯逝將躡飛霞駐景凌方壺

黃河天際來噴薄萬里奔寸膠使之清意堅水爛渾誰抱綠水操乃向齊門彈奈何珠所投舍彈起長歎有客山中來遺我千歲苓膚腴淡無味色素少芳馨且言養真性服久能身輕膏粱匪吾有終焉佩高情

朝菌迷晦朔大椿閱春秋鶴長斷則悲鳬短續亦憂人
生貴委順賦予不可求永惟南華篇達人諒悠悠

偃蹇澗底松婀娜原上柳春風少年姿輝映蒼髯叟俗
情厭孤直艷目分好醜徒抱霄壑姿落落誰見取競把
黃金絲送盡行人酒一夕秋霜飛柔條化枯槁懷材貴
適用貞脆不同道誰為歲寒人共賞歲寒操莊周夢為
蝶蝶夢亦蘧蘧子綦吾喪我隱几何嗒如忘形與忘情
一念非異途作夢未必真似喪良非無垢盡見自明白

欽定四庫全書

此山詩集
卷一

生室乃虛忘言對青山悠然雲卷舒

山中有孤松託根在深澗磊磊多節目偃蹇歲云晏豈
無干雲心亦有傲雪幹蕭颺起清奏可挹不可玩大雅
久寂寥古瑟絃已斷美哉遺音存佇立為三歎

讀陶淵明傳

淵明任疎散出處皆逍遙悠然解縣組不折五斗腰晴
川風日佳歸舟喜搖搖及門對妻子不覺衣囊杼居貧
道則朕念澹迹已超時復會田家興至不待邀種豆在

南山種苗在東臯投閒偶成趣心逸身匪勞孤懷託素
琴萬事付濁醪樂天以來化內適何陶陶若人渺何許
世遠不可招千載東籬花寒香翳叢萬采采不盈掬佇
立秋風高

田家辭

生長畝畝中稼穡少已諳既壯忽復老支羸謝鋤艾小
舟杙斷溝雞鳴松樹簷農閒子于蒔春至婦亦蠶出門
無遠途一室常團樂所期年歲登更願官府庶官污歲

欽定四庫全書

此山詩集
卷一

復歎我哭何由黔

籬畔白板扉牆頭烏柏樹負暄鶴髮翁衣綻紉老嫗羣
兒嬉翁前下壯入場圃忽聞新詔下昨日減租賦比隣
喜津津手額遞相語悍吏無叫囂晏然處環堵豐年樂
無涯況乃生樂土牀頭酒新篘前邨賽神鼓

紫鳳吟

楚客青綺裘售我紫鳳圖且言觀祥瑞與子懸座隅裴
回感客意因以致我辭不能鳴朝陽高翔碧梧枝惜哉

五章備乃向繚素施我圖已在褐顛倒隨天吳殷勤謝
客去玩目非所娛

古樂府

妾有嫁時鏡皎皎無纖滓照妾芳華年塗澤如花美郎
行向天涯歲月忽逾紀空閨生遠愁妾容為誰理妾容
匪金石寧復昔時比重拂故匣看炯炯光不巳人情重
顏色反目如覆水願郎待妾心明與鏡相似

二

欽定四庫全書

此山詩集
卷一

四

娟娟天上月乃有盈與虧區區世間人寧無別與離月
虧尚有盈君別無回期月胸重可待君信不可持灼灼
紅槿花落落青松枝單居無與儔貞白徒自知人生良
鮮歡乃復長相違托婚昔未久幸無兒女悲妾心有姑
嫜君忘倚門思川長舟可逝路遠車可馳人情不如月
素光流妾幃

原上楓

青青原上楓春至揚柔葉雨餘似膏沐幽蔽深澗合昨

日原上行寒林淨如削此時澗中松偃蹇晚冰雪

古別離

天河限東西經歲別女牛社燕辭歸鴻亦背春與秋人
生苦離別別多白人頭十年阻江漢音問何沈浮豈惟
腸九迴輪轉日萬周君看江頭水東去無回流君看山
上雲來往任悠悠

牧童辭

我牧不憚遠牧多良苦辛所幸牧已狎馴擾無敗羣平

欽定四庫全書

此山詩集
卷一

五

原濕春烟碧草何披紛大牛隱重坡小牛飲芳津旦出
露未晞及歸景常曛時復扣角歌歌俚全吾真取樂田
野間世事非所聞歌闌臥牛背仰見天際雲

古塞下曲

朔風號枯榆厚地凍欲裂大漠無人行長空欲飛雪陰
陰古長城野燐明復滅草死沙場空飢烏啄殘骨

桃柳詞

灼灼絳桃花裊裊黃柳絲風流少年場妖冶不自持春

風日夜變點拂飛故枝飄紅惹飛絮流水同天涯美人
麗南國蘭蕙薰柔姿青春妬娉婷笑盼生光輝素絲感
清鏡朱粉難為施奈何桃柳質歲晏徒傷悲

東林行

意行忘遠趣所詣欲登仙絕峽下蒼黑半壁懸銀泉峯
回路不定曳杖聊黃緣延流忽舒曠櫛楠影翩聯怙目
霽孤墅洗心玩芳荃永晝無樵斤芳洲偃鷗眠幽迴人
境異似與隱者便巖花映石瀨漁舟起孤烟

欽定四庫全書

北山詩集
卷一

六

懷別

青桑蔽繁陰玄鳥春將暮東風老松花長林翳黃霧俛
首事鉛簡流光暗中度淮水日夜流美人渺難晤賓鴻
盡北歸誰與達書素長歌復徘徊晴川渺烟樹

暮春

衆芳麗春輝天冶眩紅紫紛紛兒女情園香醉羅綺笙
簫夜鳴鳴中旦歡未已鷓鴣何處鳴繁華總流水誰知
搖落時可以觀物理

徐山民隱居

高人寡朋徒乃與世遼隔廓然方寸中不受外物役重
林出新構衷廣意所得材全不雕樸墻巧不加白素琴
與芳茗賓至適所適簷枝戛雲浮蔦蘿自駢織朱明景
長晦悄愴過幽閒石寒水愈清寸寸落秋色神淒不可
留題詩記崖壁

天竺古桂

幽幽祇園樹色界閼寶坊粲粲庭下桂秋光何煒煌道
人外芳芬鼻觀無來去妙意了忘言坐久雲生樹

欽定四庫全書

北山詩集
卷一

七

紀夢

夜爐翳紅金玉蟲隨玄煤嗒然據槁梧一適何悠哉冷
風渺真趣寶界開玻瓈彷彿蓬瀛珠宮映瑤臺飛簷
翼丹碧複砌明角圭仙姝粲華星靚服紛素霓雙吹紫
鸞笙勸我白玉杯為我洗塵穢層襟雪崔嵬空明遡高
寒雲影相徘徊清詩吐奇怪可誦不可題覺來已忘言
月在枝南梅

遊山寺

空林淨如掃石徑穿嶺細紺廬出深樹飛湍下雲際偶
逢赤髭侶囑我聽真諦松肥齋鉢豐樾古佛燈翳週簷
棘離短野枳杳入袂夕磬兩三聲半岩花雨霽

客中贈別

雪晴水生波有客繫遊鷁語離江上亭亭宇虛且寂老
栢瘦入節色古根似石微陽麗木末春意動寒碧莫嫌
市酒薄贈子秦人策去去勗自將子身貴圭璧

欽定四庫全書

此山詩集
卷一

濯足

投跡處田野野僧日相親晝暮松下石夜榻山中雲流
水何處鳴澗芳漱餘春濯足坐芳澗浩歌復誰聞

溪之濱

小雨淨川綠玩心鷗鳥羣拂蘚憩幽磴松花點衣巾禪
局杳何處疎磬時遠聞青烟濕山道牛羊下斜曛

春暮

春暮適川上意與流水長時有白雲至遠帶松翠香手

攜淵明詩卷坐據繩牀悠然宇宙間是非兩忘羊

荷亭名清遠託意數語

養素任疎拙卜亭類蝸盤俯茲一酌池湫隘良可歎誰
知方寸中而有萬頃寬天光發虛白心湛水不瀾彼美
君子華寓目道所存風細晨氣潤月澄夜香寒吸香嚙
沆瀣光霽融肺肝興寄言莫寫念適趣自閒永懷愛蓮
翁時復一凭欄

憫蔬

欽定四庫全書

此山詩集
卷一

九

富人厭梁肉貧士懷齏鹽采芳得野薺終朝不盈襜矧
茲春候和學圃濱澗南席地歷疎塊墨畦理長鏡孫芥
紫芳茁早韭綠且纖亦復種晚菘穉角俄已含期此旦
夕效菜把日可添時陽忽久亢生意幾不堪豈憚抱瓮
勞濯沃終難需馬廩一何茂縱逸徒爾艾所憂穀不登
饑饉今乃兼矯首向昊昊霖澤何由覃

此山詩集卷一

欽定四庫全書

此山詩集卷二

五言古詩

來故人

元 周權 撰

東林旦氣白清旭含初景空齋松桂幽光動離離影俄
聆剝啄音車馬何炳炳我本黜世慮脫落如廢井屏跡
謝時彥兀坐息造請喜茲共蕭閒妙論得新警夜涼月

欽定四庫全書

此山詩集
卷二

滿川中流嘯烟艇餘音嫋秋風清興與川永

仙源

桃花悄無有仙源渺何許流水清於銅松色與崖古長
林暮蕭颼似與幽人語脩然臥空庵清猿夜深雨

幽居

索居簡人事與世意罕投柴荆已就理歲功念西疇落
落雞犬墟隱隱漁樵洲嘯傲一壺綠聊復寫我憂及辰
寓沖賞獨策還經丘向夕山景霽延矚明川流白雲息

空谷歸鳥鳴林幽人生亦委化汲汲將焉求

南山丈人

丈人山南來鐵面冷松露野芳墮春妍香入青芒屨逍
遙憩幽磴晚我如有素即之亦無言還帶山雲去

玄上人

安禪簡清素趣與外迹絕玄談落松風洒我一襟雪逍
遙花雨外豈復念濁熱夜久白河沈擣簷耿疎月

訪友

欽定四庫全書

此山詩集
卷二

閒攜綠玉枝遠詣詩老家斷澗秋水落寒沙炯泉花高
談意偶合脫落偈仄歌從容飯雕胡屢淪粟粒茶亦復
事文翰醉字紫秋蛇慷慨振吟袂歸途及棲鷗

秋原

晴烟淡秋原枯梢翳殘葉蘭芷徒自妍芳馨誰採掇豈
無同心人歲月念飄忽詠思河水深迢迢暮雲合

接竹引泉

蒼潤隱石脈幽源迸山椒連筒入雲竇勢接河漢遙引

茲一線秋高下穿林梢聯絡裊相拄旋折不辭勞挽之
歸我廬晴雨注屋茅乍室或細細久續俄嘈嘈空墜落
琴筑虛窺鳴鈞韶盪浥足自潔心迹良已超固無鼎釜
珍頗煮溪澗毛未能學許由厭喧解風瓢

謝僧茗餅

僧達無生機寂念若冰冷汲來石根泉淪以雲腴餅舌
端味枯禪了然發深省歸策石林空清颺下松頂

白水晁居士名家駒也脫俗嗜飲所居有斷崖夕

欽定四庫全書

此山詩集
卷二

三

翠軒留偈而化賦此寄悼

晁子摩尼珠照徹白水源不啜趙州茶不面達磨禪山
餅潑乳酒瀟灑夕翠軒飄然忽謝去遺偈如濤翻逝鴻
無留影落葉返故根寂照本非滅今滅昔豈存蒼蒼斷
崖陰寒移自清妍

答褚思古

褚公何為者處鈍以藏兌哦詩古松根古人思遠詣疎
懶意自真客至忘冠帶流俗豈同調目擊趣自會素琴

固不澤抱璞乃不敗悠然流水意本在微絃外溪暖潛
鱗躍野夕歸鳥逝與子盡樽中漁舟具清瀨

次韻張洞雲

張子湖海襟乃復喜巖穴朝食進芝髓夜誦然松節深
雲暗幽洞仲夏欲飛雪下春煇餘景林水互明滅歎客
垂磬室頗感十年別攜琴意已消酌茗石蘿月

褚澗月

道人澹無為懶散忘盥櫛掃石秋樹根曙澗濯殘月袖

欽定四庫全書

此山詩集
卷二

四

浥水光潤履帶水翠滑虛閣倚雲歌清猿共孤絕

相中

天寒楚雲淨木落湘山幽空江夜來雨水滿蘆花洲西
風何渺渺滄波日悠悠有懷誰與言注目孤鴻秋

西山

西山一何佳稅駕謝巖廬獨往殊有趣野鹿如親人冷
澗下水練練山際雲幽憩任疎散岸幘青楓林

夏日偕友晚步飲聽泉軒

終日局環堵散策窮深幽嘉我二三子落落成罕儔適
意隨所詣行行遂經丘青松如高人含風自蕭颼夕雲
度深翠爽氣衣上浮石根瀉幽泉夏夏鏘琳球樂彼泉
上趣幽構飛岑樓新蘭秀而滋舊竹清且脩歎我情頗
厚清樽頻獻酬盤桓有餘樂嘯傲成遲留池深風露香
荷意澹欲秋飲散衆喧息微月生林陬

用前韻

夏郊景氣清况我冲抱幽深居節已換眷眷懷良儔人

欽定四庫全書

此山詩集
卷二

五

生磊砢胃要貯壑與丘振衣一長嘯涼吹來颼颼貫石
有飛泉隱見晴雲浮初疑奏琴筑忽若鳴琅球寒光蕩
林翠爽氣涵山樓相期濯塵纓慰此情好脩引瓢酌深
綠素賞歡已酬了忘區中緣便欲為此留松深日云夕
練紈早知秋彼美天際雲歸來宿岩陬

松下泉

長松陰層巒黛色入崖骨鬱為翠雪浮蒸瀟香不歇融
液作寒泉飛迸出石窟不濯軟紅塵空山瀉明月

九日偕友登東岩定香寺

茲巖何穹窿迥出塵壤隘當時補天餘偶墮靈鼇背神
丁挾竒功塞北滄溟匯翠濤化千峯尚作掀舞態色連
空宇高氣薄坤輿大紺廬切層雲粲然金銀界猶封開
闢土迂曠無斬薙至今絕頂泉下迸萬丈內陰陽互轆
轤造化自根蒂崖壁鑿靈境洞壑索寒瀨旁開一罅峽
天影落清黛陰嵐灑晴雪夏練結幽晦石門聳我我屹
若劍門勢在昔乾符間綠林肆兇屬托茲保遺黎殘石

欽定四庫全書

此山詩集
卷二

六

猶紀載憑高遠遐觀訪古起餘慨盪胸瀉河漢散髮沐
沆瀣煩襟忽如遺舉步寄一快攜朋作重九秋高崖菊
細濁醪灑華觴浩唱發雄邁仄身下天磴百盤經險怪
目眩神蕭森冷風蕩歸袂人生諒逍遙歲月豈余貸吁
嗟謝公展云此遺勝概回首山蒼蒼夕鐘渺雲際

山中雲

空山有白雲雅與高人約卷舒本何心乃似悅遐矚色
幽淡山翠意遠度溪綠日暮久徘徊前村雨應落

次韻幽居

晨興啟衡門見此溪南山山光入溪綠水底明青鬟熙熙自漁樵清歌時往還莞爾發永晤寘我丹青間

西山書館植菊為隣家所踐

耽書息世慮種菊祛俗塵閒攜手中書往訪西家隣雨露分寸苗書暇策我勤無何彼艾穢縱逸戕其真懷哉楚屈平憔悴窮夕暝榮枯固有數悵然念芳芬信知洛中花乃壤逸驥羣寧如擁腫樗不夭匠石斤挾策嗟自欽定四庫全書
此山詩集 卷二 七

非東籬人

清溪深

連娟數里洲翠篠何森森微風動枯篠謾謾鳴空林雨散幽猿啼野樹烟沈沈薄暮有遙棹歎乃清溪深

相逢吟

客從郢中來抗志青雲表持螯共拍浮江遠孤舟小寒

夜潮氣白楚樹晴烏早酒闌起推蓬落月在西島

讀張巡傳

我懷張睢陽厲節剛不吐妖氛暗寓縣奮迅提虎旅憑城怒裂背忠勇激肺腑擇甲四百戰奇計不可數江淮卒保障藉此奠唐土可憐將孤軍機勢已莫禦食盡兵亦窮愛妾入鼎釜雷南空桓桓餘勇不可賈身城遂俱亡大義著君父人孰不能守公守以死拒人孰不有死公死乃其所繁霜表貞松迅水知砥柱當時偷生輩渙欽定四庫全書
此山詩集 卷二 八

忍猶妾婦青燈撫遺編英氣凜千古

明妃曲

逝水無回波去箭無返筈十載昭陽春萬里龍荒月風沙滿宮衣慘淡餘香歇哀弦濕絲淚淚盡弦亦絕寄語漢飛將此計誠太拙蛾眉豈長好不久為枯骨

高郵府神遊臺

淮南古奇勝瀾茫雲水麗郵城枕其中喧喧擁闌闌壯覽城之臯飛臺翼雲際灩灩白銀盆沈沈水晶界玩心

神明表引興天地外把酒一憑闌天風落襟袂懷哉淮
海翁落日為三酌

此山詩集卷二

欽定四庫全書

此山詩集卷三

七言古詩

元 周權 撰

呈伯長袁學士

玉堂中有真仙人錦衣剪製五彩雲瀛州高處睨八極
奎躔光氣胸中文揮毫對客驚風雨詞翰風流邁前古
榻前草制回天顏夜歸長照金蓮炬龍門賓客何續紛

欽定四庫全書

此山詩集
卷三

一

一經品藻生陽春斯文之寄蓋有在孰不奮勵激陶鈞
塞余鄙陋真無似家在江南萬山底石盆鑽木不能穿
半世吟哦事芝髓可憐歲月空駸駸高山流水無知音
黃河泰嶽何高深見公不負平生心

徐仲晦作書惠水墨梅圖有和靖題紀歲月絹素

蠹敗餘字不存作書歸之

溪藤搗霜寒奪目硬黃瘦字疎相續墨花出袖吐春妍
一片玲瓏水蒼玉分明寄我孤山圖上有歲月書林逋